

p. 1【宗經論】乃依大小乘經之教理所造之論，如唯識論等。【釋經論】為解釋大小乘之經義者，如大智度論等。～《佛光大辭典》

p. 1【五門】往生淨土之因與果各設五門。因之五門即五念門，指禮拜、讚歎、作願、觀察、迴向。果之五門指近門、大會眾門、宅門、屋門、園林遊戲地門。由此五因而證此五果。五種果相，又作「功德五念門、五果門」。即：(一)近門，初至淨土，入大乘正定聚，而近阿耨多羅三藐三菩提。不再墮入迷界，而能接近佛之悟界。(二)大會眾門，生淨土已，即入如來大會眾之數。謂加入聖者之列。(三)宅門，入大眾之數，即至修行安心之宅。(四)屋門，既入宅已，則至修行所居之屋寓。此二門成就止、觀之行。(五)園林遊戲地門，修行成就已，即至教化之地。重返迷界，以救度所有眾生為樂。其中，前四門成就入之功德，第五門成就出之功德。～《佛光大辭典》善導大師之《往生禮讚》將五念門之順序略加變更，即：(一)身業禮拜門（禮拜門），(二)口業讚歎門（讚歎門），(三)意業憶念觀察門（觀察門），(四)作願門，(五)迴向門。此前三者為修身、口、意三業，後二者為發願、迴向，即前三者起行，後二者安心之意。～《佛光大辭典》《往生禮讚偈》卷1：「天親淨土論云。若有願生彼國者。勸修五念門。五門若具定得往生。何者為五？一者身業禮拜門。所謂一心專至恭敬合掌。香華供養。禮拜阿彌陀佛。禮即專禮彼佛。畢命為期。不雜餘禮。故名禮拜門。二者口業讚歎門。所謂專意讚歎彼佛身相光明。一切聖眾身相光明。及彼國中一切寶莊嚴光明等。故名讚歎門。三者意業憶念觀察門。所謂專意念觀彼佛。及一切聖眾身相光明。國土莊嚴等。如觀經說。唯除睡時。恒憶恒念恒想恒觀此事等。故名觀察門。四者作願門。所謂專心。若晝若夜。一切時一切處。三業四威儀所作功德。不問初中後。皆須真實心中發願願生彼國。故名作願門。五者回向門。所謂專心。若自作善根。及一切三乘五道一一聖凡等所作善根。深生隨喜。如諸佛菩薩所作隨喜。我亦如是隨喜。以此隨喜善根及己所作善根。皆悉與眾生共之回向彼國。故名回向門。又到彼國已。得六神通。回入生死。教化眾生。徹窮後際。心無厭足。乃至成佛。亦名回向門。五門既具。定得往生。一一門與上三心合。隨起業行。不問多少。皆名真實業也。」(T47, p. 438, c14-p. 439, a6)

p. 1【十二部經】依智度論三十三之說。一、修多羅，此云契經。二、祇夜，譯作應頌，又作重頌。三、伽陀，譯作諷頌，又作孤起頌。四、尼陀那，此譯因緣。如諸經之序品，即因緣經也。五、伊帝目多，此譯本事。佛說弟子過去

世因緣之經文。六、闍多伽，此譯**本土**。佛說自身過去世因緣之經文也。七、阿浮達摩，新云阿毘達磨。此譯**未曾有**。記佛現種種神力不思議事之經文也。八、阿波陀那，此譯**譬喻**。九、優婆提舍，此譯**論義**。以法理論義問答之經文也。十、優陀那，此譯**無問自說**。如阿彌陀經。十一、毗佛略，此譯**方廣**。十二、和伽羅，譯**授記**。於菩薩授成佛之記之經文也。此十二部中修多羅與祇夜及伽陀三者，為經文上之體裁。餘九部從其經文所載之別事而立名。～《佛學大辭典》

p.1【**摩呬理迦**】指經義或戒律之綱目；也是論藏的另一種稱呼。意譯母、本母、智母、行母。在諸經中循環研覈，或在諸論中正確分析之法義綱目；因而，亦可泛稱十二分經中的優婆提舍、三藏中的阿毗達磨藏。～《中華佛教百科全書》

p.3【**行願品**】《大方廣佛華嚴經》卷40〈入不思議解脫境界普賢行願品〉：「禮敬諸佛者：所有盡法界、虛空界十方三世一切佛刹極微塵數諸佛世尊，我以普賢行願力故，起深信解，如對目前，悉以清淨身、語、意業，常修禮敬；一一佛所，皆現不可說不可說佛刹極微塵數身，一一身遍禮不可說不可說佛刹極微塵數佛；虛空界盡，我禮乃盡，而虛空界不可盡故，我此禮敬，無有窮盡。如是乃至眾生界盡、眾生業盡、眾生煩惱盡，我禮乃盡。而眾生界乃至煩惱無有盡故，我此禮敬無有窮盡，念念相續，無有間斷，身、語、意業無有疲厭。」(T10, p. 844, c1-11)《大乘止觀法門》卷4：「所言觀門禮佛者。當知十方三世一切諸佛。悉與我身同一淨心為體。但以諸佛修習淨業熏心故。得成淨果。差別顯現遍滿十方三世。然一一佛皆具一切種智。是正遍知海。是大慈悲海。念念之中盡知一切眾生心心數法。盡欲救度一切眾生。一佛既爾。一切諸佛皆悉如是。是故行者若供養時。若禮拜時。若讚歎時。若懺悔時。若勸請時。若隨喜時。若迴向時。若發願時。當作是念。一切諸佛悉知我供養。悉受我供養。乃至悉知我發願。猶如生盲之人於大眾中。行種種惠施。雖不見大眾諸人。而知諸人皆悉見己所作。受己所施。與有目者行施無異。行者亦爾。雖不見諸佛。而知諸佛皆悉見己所作。受我懺悔。受我供養。如此解時。即是現前供養。與實見諸佛供養者。等無有異也。何以故？以觀見佛心故。佛心者。大慈悲是也。又若能想作一佛身相嚴好。乃至能得想作無量諸佛。一一佛前皆見己身供養禮拜者。亦是現前供養。何以故？以是心作佛。是心是佛故。」(T46, p. 662, b9-c1)